



O Volapükaf lens valöpo!

Ämulo enunob, das söl: ‚Zamenhof‘ < no ädälom ad votükön püs kasiti oka pu sis yel: 1894. Valemo cedoy, das söl: ‚Schleyer‘ < id äbitom so as geäd ad klien votükamiälik Volapükakadäma ün 1887 pi fünüla. Jenöfo ye no äbinom so kludöfik. Nämiko ätaom, das vokätonats, genitif e datif, äsi foms anik värba, önepubons-la se Volapük (tikamagots tefik pänotükons suvo fa kadäm), ab äbaicedom, das Volapük no äbinon-la nendöfik ed önedon-la votikön demü pöped valöpik vemikum. Datuval it äkofudükom slopanis oka, ven äkoedom dabükön dabükoti folid vödabuka calöfik ko menodots mödik (ivotükom poyümotis mödik, sinifis güöfik stamädas: *mut*, *müt*, tatanemis anik, ...). Zuo sluds at no pizepons fa kadäm, kel calöfo ämuton bejäfön vödastoki. Posä isäfünom kadämi dilekü ‚Kerckhoffs‘, äfovom ad votükön püki okik nendemü protests utanas, kels ya ilärnons oni e no ävilons lärnön dönuamo. Äflagom ad penön eli *vof* pla el *vom*, eli *kleot* pla el *klot*, eli *konlead* pla el *konlet*... If ‚Zamenhof‘ äbitomöv leigoso, pos pub ela ‚Ido‘ äceinomöv eli ‚lingvo‘ okik ad ‚limküo‘ seimik. Cedob, das dinäd ebo at äkodon läsikami numa Volapükanas; hiel Zamenhof (ba sekü küped Volapükamufa) ätövom loned i benoplöpa pro mekavapük: no daloy votükön disinapüki, kel ya labon slopanis, tidabukis e vödabukis mödikis. Bit somik te favükonöv pükigebanis. Tefü atos pük nulik no sümon ad datuvots kaenik.

Latikumo ‚Schleyer‘ it ädälom ad penön Volapüko ma vödabuks sevädik büik, ‚Arie de Jong‘ äfinidom sludis bisarik mödikün fa ‚Schleyer‘, ab ya äbinos tu latik ad dönulifükön Volapükamufi nämädik. Kipedobsös oni nen votikams nezesüdik pu ma stad nutimik!

Gudikünosi valik oles vipöl redakan:

Morozov
Daniil

KLOTS NULIK LAMPÖRA (DIL LÄTIK).

Mär fa ,H. C. Andersen' (1862), tiäd rigik: ,Kejserens nye klæder'.
Petraduton se Danänapük fa ,Hermann Philipps' (2023).



Suno lampör älesedom dönu votiki calani dinitik usio ad dalogön, vio viv äprogedon, e va stof öblümon suno. Äje= nos pö om leigoäsä pö mini= steran: Älogom ed älogom, ab bi nos ädabinon us plä vivaparat vagik, nosi äkanom logön.

„Benö! no binos-li samäd jö= nik stofa?” cütans tel et äsa= goms, ed äjonoms ed äplä= noms däsinodi magifik, kel leno ädabinon.

„No stupob”, man at ätikom, „klu no gudob-li pro cal gudik oba? Atos binonöv sai=

diko bisarik, ab no daloy küpälükön eki dö atos.” Täno älobom stofí, keli ga leno älogom, ed ägevom omes fümü dö fred okik tefü köls jönik e däsinod magifik. „Si!, binon jenöfiko lejönik!” äsagom lampöre.

Valans in zif äspikons dö stof magifik.

Nu lampör it ävilom logön stofí, du nog äbinon su vivaparat. Kobü vältot manas, bevü kels äbinoms calans bäldik dinitik ut, kels ya ibinoms us, ägolom lü cütans käfik, kels nu ävivoms me näm valik, ye nen fad u faib.

„Si! no binon-li mu magifik?” calans dinitik bofik et äsagoms. „Or, o mayedal! vilor-li logön?: däsinod kion!, köls kion!” Ed älüjonoms vivaparatis vagik, bi äkredoms, das votans fümo äkanoms logön stofí.

XI:91:2023

„Liö!” lampör ätikom. „Logob stofï nonik. Binos ga dredabik. Stupob-li? No gudob-li ad binön lampör? Atos binonöv din jeikikün, kel kanonöv reifön obi.” – „O! stof binon vemo jönik,” täno äsagom lampör, „dage-ton pliti mu löpiküni obas.” E koteno äsiom kapo; no ävilom sagön, das no äkanom logön stofï. Sökanef lölik, kel äbinon ko om, älogon e dönu älogon, ab nek älabom seki mödikum ka votans, ab äsagoms leigoäsä lampör: „O! stof binon vemo jönik!” ed äbekonsäloms omi ad lenükön nulikis klotis magifik at balidnaedo pö prozed gretik sunokömöl. „Stof binon magifik, gütöfik, süperik!” so atos päpakon de mud lü mud, ed äbinoms ladöfiko frediks dö atos. Lampör ägivom cütanes bofik lesiörakrodi ad nülägön ini knopahog, e tituli: kuravivans.

Dü neit lölik bü büzedel üt, tü kel prozed öjenon, cütans no äslipoms, ed äleadoms svietön kandelis plu degmälis. Äkanoy logön, das äjäfoms ad lemekön klotis nulik lampöra. Ädunoms, äsva äsumoms stofï de vivaparat, äkötoms oni in lut me jims gretik, änägoms me näganads nen fad, e fino äsagoms: „Ekö! nu klots blümons.”

Lampör it äkömom usio ko kurans cädikün oka, e cütans bofik äto-voms bradi bal ini lut, äsva äkipoms bosï, ed äsagoms: „Logorös! Ekö! is binon blit! At binon trelülagun! Is binon mäned!” e soms. „Binon so leitik äs spuled. Kanoyöv cedön, das lenlaboy nosi su koap, ab atos ebo binon gudikos tefü klots at.”

„Si!” kurans valik äsagoms, ab äkanoms logön klotis nonik, bi no-niks ädabinons.

„Or, o mayedal lampörik! nu vilorös-li lebönön benädiko ad säle-nükön klotis ora,” cütans äsagoms, „täno oklotobs ori me nuliks, is fo lok gretik.”

Lampör äsälenükom klotis valik oka, e cütans äbitoms, äsva ägivoms ome balati alik nulikas, kels bainuniko pinägons, e lampör äflek-om ed ägeflek-om oki fo lok.

„Gudö! kiogudiks klots binons! Kiojöniko dabons!” valans äsagoms. „Däsinod kion! Köls kion! At vo binon klotem jerabik.”

„Plödo ya stanoms ko baldaken, kel popolon love or, o mayedal! dü prozed”, löpalezälamastan äsagom.

XI:92:2023

„Benö! blümob”, lampör äsagom. „Klotem no dabon-li gudiko?” E nogna äflekom oki fo lok, bi äsötos jinön, äsva ävilom lelogön mu pato dekaklotemi oka.

Kurasöls, kels äsötoms polön treli, äsenidoms me nams love glun, äsva ätovoms treli, keli äkipoms in lut; no äriskoms ad leadön paküpön, das no äkanoms logön oni.

Somo lampör ästepom in prozed dis baldaken vemo magifik, e mens valik in süt e lä fenäts äsagons: „Gudö! kio nensamiks binons klots nulik lampöra! Treli kio magifiki labom len mäned! Jenöfiko dabon mu süperiko!” Nek ävilon leadön paküpön, das no äkanon logön klotis nulik lampöra, bi voto ga no ägudonöv in cal oka, ud äbinon vemo stupik. Klotem nonik lampöra föro idageton lobüli so vemiki.

„Ab lenosi lenlabom!” cilil ävokädon. „Gudö! lilolsös vögi cila balu-gälik at!” fat äsagom, e balan ävispon votane utosi, kelosi cilil isa-gon.

„Nosi lenlabom, cilil esagon atosi. Nosi lenlabom!”

„Nosi lenlabom!” pöp lölik fino ävokädon. Atos ämuifukon lampöri, bi äsenälom, das ba ägidetons, ab ätikom sökölösi: „Nu mutob sufälön prozedi jü fin.” E kurasöls älaistepoms polölo treli, kel leno ädabinon.



COGED DEGTELID SE „COGIKOS VOLAPÜKIK” *fa hiel Rupert Kniele (1887).*

PÜK RIGIK (,Kniele’).

Gut für die Augen.

Einem Mann, der sehr schwache Augen hatte, wurde der Rat erteilt, es mit Gläsern zu probieren. Der Mann gieng sofort in das nächste beste Wirtshaus und nahm gleich 4 Gläser, wovon seine Augen so gestärkt wurden, dass er doppelt sehen konnte.

VÖNA=VOLAPÜK (,Kniele’).

Gudiko plo logs.

Mane sembal, kel alabom logis vemo fibikis, pägivom konsal, blufön (osi) ko glats¹. Man at ägolom stedo in lotugi nilikun ed asumom² foviko glatis³ fol. Dub glats at logs oma so pästenudoms, das akanom logön teliko.

VOLAPÜK PEREVIDÖL (,Philipps’).

Gudik pro logs.

Mane seimik, kel alabom logis vemo fibikis, pägivon konsäl ad blufön lüni. Man at ägolom nenzogo ini bötädöp nilikun ed ädrinom sunädo varetis fol. Dub varets at logs oka so panämükons, das akanom logön teliko.

KÜPETS.

¹ Dönu hiel Kniele ätikom ma kösömots in Deutänapük, kö vöd: ‚Gläser’ suvo pagebon ad malön lüni: vöd id in Vöna=Volapük ädabinöl.

² Notodot Deutänapükik: ‚ein Glas nehmen’ < kanon sinifon: 1. sumön väri, 2. drinön väreti.

³ In Vöna=Volapük vöd: ‚glät’ alabon sinifis tel, sevabo:

1. glät, 2. vär.

Klülös, das caged at voiko mögon ni in Volapük vönik ni in Volapük perevidöl demü geb vödatelsinifas Deutänapükik.

BESPIK BEVÜRESODIK.

,Igor Wasilewski’. Cogeds at binons vo nitediks. Nulälöb, va hiel Rupert Kniele suvo ävilom dajonön telsinifigebi vödas

XI:94:2023

semik as patōf Deutānapūka pō jenets somik, u balugiko äge= bom osi Volapūko nes sevedōn dö säkād at. In püks votik ma= ged ot komādon, vo-li? In pük bevünetik mutoy bitōn vo neu= diko.

„Hermann Philipps’. Fūmob, das hiel Kniele leno äsevedob dö vōdatelsinifs, leigoäsä hiel Schleyer it suvo no äsevedom dö ons.

Ekö! is binon sam bal. Vōds ettimik: ‚bizug’ e ‚bizugön’ bi= nons foms vōdiko pilovesumōls de vōds Deutānapükik: ‚Vor= zug’ e ‚vorziehen’. Sinif vōdas at ye leno tefons elis ‚Zug’ u ‚ziehen’ (Deutānapūko) ud elis ‚zug’ u ‚zugön’ (Vp. vōnik e nu= timik). Hiel Arie de Jong ävotūkom vōdis at ad: buam / buön.

Tefü feit somik kanobs reidōn in „Jenotem valemāpūka ‚Volapük’” fa ‚Johann Schmidt’ (ün 1888—1890):

„Flag ad jenükōn votastidis nu ye itonon, e dil gretik slopa= nefa äspeton nemu votūkami no pūliki, (samo: moūkami fomas ōmik se püks germik, pato pō vōdidefomams, e moūkami di= nas sūmik votik).”

Konotūls votik nog opubons.

LEMU SMALIK.

Mär Linglänik: ‚Teeny-Tiny’. Petradutöl fa ‚Carl Brianson’.

Seimna vom lemu smalik ädabinof, kel älōdof in dom lemu smalik in vilag lemu smalik. Ün del semik vom lemu smalik at älenükof bonāti lemu smaliki oka ed äsegolof se dom lemu smalik oka ad jenükōn spati ön mod lemu smalik. Ven vom lemu smalik ibevegof fagoti lemu smaliki, änilikof lü leyan lemu smalik; täno vom lemu smalik ämaifükof leyani lemu smaliki ed änūgolof ini glügayad lemu smalik. E ven vom lemu smalik at ireafof ini glügayad lemu smalik, älogof bomi lemu smaliki su sepül lemu smalik, e vom lemu smalik äsagof oke lemu smalike: „Bom lemu smalik at ovedon lä ob sup ma por bosik lemu smalik pro säned lemu smalik oba.” Soö! vom lemu smalik äpladof bomi lemu smaliki ini pok lemu smalik oka, ed ägekōmof lü dom lemu smalik oka.

XI:95:2023

Nü vom lemu smalik igeķōmof lū dom lemu smalik oka, āsenof oki feniki ōn mafād lemu smalik; so ixānof ve tridem lemu smalik oka lū bed lemu smalik oka, ed āpladof bomi lemu smaliki ini kvisinōparamar lemu smalik. Ven vom lemu smalik ifeslipof timi ma mōdot lemu smalik, pāgalūkof fa vōg ko vemōf lemu smalik se ramar lemu smalik, kel āsagon:

„Givolōd obe bomi oba!”

Vom lemu smalik at pājeikof ōn mafād lemu smalik, so āklānedof kapi lemu smaliki oka disi bedateged lemu smalik ed āslipikof dōnu. Ven ifeslipof dōnu timi ma mōdot lemu smalik, vōg ko vemōf lemu smalik se ramar lemu smalik dōnu āvokādon ma lōpot lemu smaliko laodikum: „Givolōd obe bomi oba!”

Atos āvedūkon lemu smaliki vomi nog jekikumi ma mafād lemu smalik, so āklānedof kapi lemu smaliki oka fōfikumio ma fagot lemu smalik disi bedateged lemu smalik. Ven vom lemu smalik ifeslipof dōnu timi ma mōdot lemu smalik, vōg ko vemōf lemu smalik se ramar lemu smalik dōnu āsagon ma lōpot lemu smaliko laodikum: „Givolōd obe bomi oba!”

Vom lemu smalik at ōn mafād lemu smalik nog plu pājeikof, ab āsesteigof kapi lemu smaliki oka disaū bedateged lemu smalik ed āsagof ōn mod mōgikūno laodikum me vōg oka ko vemōf lemu smalik: „SUMOLÖD ONI!”



DOG ELAS ,BASKERVILLES’.

KAPIT MÄLID. ,BASKERVILLE HALL’ (6).

Ab fidalecem, kel ālogādon dese vestibül, ābinon top do fik e glumidik. Ābinon cem lunik labū trid demiedūkōl geiledi, kō famūlalimans āseadons, de dilād donikum pijo nidūkōl pro reigābs onas. Pō finot bal lōpayal pro mastana kanitans ātopon sus on. Bems blāgik āzugons sus kaps obsik, labū nufed, dub smok idofikōl, lōpū oks. Pō keds pāgaflamotas flamūlōl ad litūkōn attopi, e pō yof levielik e

levemik lefideda vönädik, is äbinos-la jönikum; ab nü söls tel me blägaklotem piklotöls äseadoms ninü sirk smalik lita fa kapüta lampad päjedöla, vög alana pädumükon e lan alana äteafülön. Ked jadöfik büröletanas lenlabü klotem fomas va lasotik: de lesiör timäda di „Elizabeth I” jü dändin ön stül guvalama



< ädoniologon de völ obis ed äjeikon obis me kom seilik okik. Äspikotobs nemödiko, ed ob pösodiko ifredikob, ven fidäd ifinikon ed äkanobs golön ini biliara cem nutimik ad smökön zigarüli.

„Cedü ob, top at fe no binon vemo plitik,” siör: „Henry” äsagom. „Niludob, das seiman okanonöv kösömükön oki ko attop, ab anu senälob obi nekoventiko. No küpados, das ziom obik äbinom boso närvodik, älifölo go soalik po dom somik. Too, üf balädol ko ob, täno aneito ugoalsös ad sli pön göliko, e gödo züäd ologoton-la plitikumo.”

Ämaitirob körtenis cema obik, büä ügolob lü bed, ed iplödiologob da fenät obik. Ätopon äl läned gramenik fo domayan topöl. Fagikumo fotils tel äfrakatons ed äkledons ön vien nämikumöl. Lafamun älogädikon semikna da sli tods bevü lefogs jutöl. Ön lit koldik stralas onik äküpedob pödü bims belemakedi neplenik, ä krugalieni lunik tälik maräda glumidik. Ifäitirob körtenis, senälölo, das magäd obik lätik no ädifon leigodü ret.

Ab iklülädos, das ga no äbinon lätik...

Finod kapita osökon.